

Responsum ad Pro

TESTATIONEM, QVAM ORA
tor Regis Gallorum, nomine sui
Principis, Serenissimæ An-
glia REGINAE obrulit

xx. die Aprilis,

ANNO DOMINI

M. D. LX.

Londini

apud Reginaldum Vuolsium,
Regiæ Maieſt. in
Latinis typog-
raphum.


Cum privilegio Regiæ Maieſtatis.

Religion and Politics

The following is a list of the names of the members of the Society of Friends who have been elected to the office of Yearly Meeting for the year 1841.

1841

1841

 VONTIAM PROTESTATIO
quædam, quæ primum scripto
comprehensa fuit, & à Gallico
legato Sereniss. Reginae tradita,
ex eo tēpore praelis in Gallia propagata est:
in qua re, hoc unum Galli spectabant, sicut
ualde probabiliter colligi potest, ut homi-
nes de illorum factis melius sentirent, quàm
eorū merita requirunt: equidem licet prin-
cipibus altercationes parum decorę sint, nec
hac inter illos uia procedi debeat, præsertim
in rebus arduis, quæ momentū tam magnū
habent, tamen ne sincere cogitationes ho-
minum integrorum, hac Protestatione Gal-
lica deprauentur, nisi responsum oppona-
tur, præsertim cū eadem Protestatio Gal-
lica, diu nunc per orbem terrarum publicē
disseminata fuerit, & etiam nonnullis in re-
bus à primo exēplari scripto, & Gallici Le-
gati manu consignato, dissideat, his causis ef-
fectum est, ut apud nos Responsio praelis in
formaretur, eisdem omnino uerbis & sentē-
tijs quibus fuit superior, qua Serenissima
Regina prius ad Gallicam Protestationem
usa est: propterea uerò Latine proponitur,
quoniam homines nostri Gallicē scienter &
proprie uix loquuntur: & tamen hoc idem
responsum, quantum quidem à nobis in eo

A. ij. fieri

fieri potuit, curatū est, ut etiā Gallica lingua
diuulgaretur. Gallica uerò Protestatio pla-
nè fuit huiusmodi, longiorem ut Serenissi-
mæ Regine responsionem faceret, quàm aut
Regina ipsa uellet, aut probaret. Et tamē Se-
renissima Regina breuitatis respectu, multa
Gallorum prætermisit recentia facta, partim
noua, partim astuta, quibus uerisimiliter
credi potuit, & adhuc potest, non esse tam
sinceræ in illis, & paratas ad concordia uo-
luntates, quàm ostendant. Qua in re, si adhuc
se ipsi corrigere uelint, & bonam fidem ad-
hibere, id in hoc præsentē Colloquio cogno-
scetur, quod nunc in Scotia institutum est,
in quo Serenissima Regina planissimè con-
stituit, ad omnes pacis conditiones suū Re-
galem assensum accommodare, quibus, de
superioribus illatis iniurijs, honorificè satis-
fieri possit, & etiam quæ tales sint, ut regni
Angliæ quietem & incolumita-
tem secum afferant, & ho-
stiles ab eo auferant
incurSIONES.



Responsum ad Protestatio-

NEM, QVAM ORATOR REGIS

Gallorum, nomine sui Principis,

Serenissimæ Angliæ Reginae

obtulit, 20 die Aprilis,

M. D. LX.



VANQVAM SVA MA-
iestas ipsi Oratori, ad
suam Protestationem,
extempore breuiter quī-
dem & apposite respō-
dit, referens interim ex-
plicationem responsio-
nē ad aliud tempus ma-

gis idoneum: tamē quia illa ipsa Protestatio, in scrip-
pto, & ipsius Oratoris manu consignata, tradita
fuit: in qua sedulo conficienda, & sumptū temporis
spatium collocatū, & nauata opera uisa est: & quia
etiam scriptum ipsum nititur uarijs allegationibus,
quæ ab ipsa ueritate discrepantes sunt: uisum est
sua Maieſtati, cum ad plene edocendum ipsum Or-
ratorem, in illis rebus, in quibus alioqui Orator
ignorantiæ excusatione uti possit, tum ad iuste tuen-
dum, quanta cum ratione, & honoris sui, & neces-
situdine suorum, omnia consilia atque actiones Se-
renissimæ Reginae in illis rebus, quæ in ipsa Pro-
testatione

testatione sunt cōmemorata, hactenus processerūt:
curare & efficere, ut ad certos locos illius Prote-
stationis, qui sunt maioris alicuius momenti, prout
deinceps sequitur, quam primum responderetur.

Primo, opus non est excutere hoc in loco, causas
illas, quæcunque ipsæ fuerunt, quibus Gallorū Rex
Christianissimus, nuper defunctus hac uita, ad pa-
cem cum uicinis principibus ineundam, confirman-
damq; adductus fuit. Verum enimuero, quæ consilia
eo ipso tempore, contra suam Maiestatem, & sta-
tum huius regni, structa, institutaq; fuerunt, clare
admodum constat. Primum enim Romæ, tempore
P. P. Pauli quarti, apertæ sollicitationes, & nulla
non uia tentata est, ad improbandum ius suæ Ma-
iestatis in hoc Regno, & ad confirmandum præ-
textus illos inanes, quos sibi sumit & arrogat Sco-
torū Regina. Deinde Cameraci, in ipsa pacis tra-
ctatione, quā a cōtentione usi sunt Oratores Gal-
liæ, cum inter reliquos ultrō citroq; habitos sermos
nes, sensum omnem suorum consiliorum, pro palam
indicarunt, insolenter nimirum sciscitando, cuinam
alteri, nisi Scotorū Regina, Regina scilicet An-
glia, Caletum restituerent? De huiusmodi illorum
uerbis, consilijs, & multiplici ab eis, eo ipso tempore,
quæsta ratione, quæ singula ad apertum præiudici-
um, & uiolationem iuris suæ Maiestatis, atque etia-
am

am ad ostentandum iactandumq; prætextum illum
Reginæ Scotiæ, intoleranter intentæ fuerunt: plures
testes, quàm Angli homines, facile possunt produci.
Et hæc hæctenus, ad respondendū tanto pacis stu-
dio, tam sedulo commemorato in ipsa Protestatio-
ne, quo Gallorum Rex usus est erga suam Maie-
statem, in illa pacis tractatione. Sed huic rei, hæc
prætendi potest excusatio, quomodo iam à certis il-
lorum, in hoc ipso negotio factitatum est, hoc omne
nimirum illorum cōsiliū, eo institutum fuisse, ut sua
Maiestas hac ratione, ad pacem facilius perducer-
retur. Quæ allegatio, fortasse aliqua, atque adeo
probabilis esse potuerat, si iam conclusa stabilitaq;
pace, non statim consecuta fuissent, tam certa ex-
plorataq; huius motus inditia, atque id quidem non
solum tempore Regis Gallorum nuper defuncti,
uerum, ab ipso eius iam obitu, hæc consilia sic cre-
uerunt, seseque indies extulerunt, ut nihil tritius in
ipsa Aula Gallica, nihil frequentius, in sermone ex-
terarum quoque gentium iactatum fuerit.

Inter Pacis conclusionem, & Regis Gallorū
obitum, trimestre, plus minúsque spatium intercessit.
In quo exiguo tēpore, quàm uarijs in locis, insignia
Regni Angliæ, in quadrum, una cum insignibus
regni Scotiæ, sunt compacta, nomine tum Regi-
næ Scotiæ, & Delphinæ Galliæ: & urbs Lutes-
tia

cia, & multa alia Galliarum loca, testes esse possunt.
Imò, uniuersus ille concursus hominum, qui conflue-
bant ad uisenda illa solennia lustra, equestremq; de-
cursionem, in qua Rex ipse uulneratus est, oculati te-
stes fuerant, magnæ illius insignisq; iniuriæ, quæ in-
tentata tum fuit Regiæ Maiestati Angliæ, cum,
quia conspicua illa sedes Iudicum horum spectacu-
lorum, insignibus Angliæ, cum insignibus Scotiæ
coniunctis, splendide quidē conuestita, ornataq; fuit:
tum etiam, quia Delphini Caduceatores, in suis pa-
ludamentis, tempore harum celebrium decursionum,
eadem ipsa insignia palam usurpauerunt. Hoc fas
etum Anglis plurimum displicebat. Et Orator suæ
Maiestatis plane perspicuens, quantum hæc res &
præiudicij suæ Principi, & iniuriæ, recens iam fa-
cta paci adferret: de ea grauius conquestus est, qui
ab his qui in magno Authoritatis loco positi fuerunt,
hoc tulit responsum, Maturū huic rei adhibitu iri res
medium, nec fore opus, ut illius rei cura, amplius
moueretur.

Præterea, Delphini & coniunx eius Scotorū
Regina, præter illam iniuriam, quæ palam ostenta-
batur, & passim diuulgabatur in Symbolis uestia-
rijs suorum ministrorum, in quibus symbolis, insignia
simul Angliæ, Scotiæ & Franciæ, intexta fuerūt,
etiam porro eo progressi sunt, ut titulum Angliæ &
Hiberniæ sumerent sibi atque usurparent. Quo ti-
tulo,

tulo, in publicis suis scriptis, in Scotiam & alia etiam
am loca missis, usi sunt. Pro huius rei & certo ar-
gumento, & expresso exemplo, poni potest hæc illo-
rum usurpata scribendi ratio, etiam sub sigillo data,
FRANCISCVS, ET MARIA, DEI GRATIA,
SCOTIAE, ANGLIAE, HIBERNIAE REX ET
REGINA. &c. & in extrema scripti parte, Dat.
Parisijs. &c. Anno Domini, Millesimo. &c
Regni nostri, Scotiae primo & decimo sep-
timo, Angliæ uerò & Hiberniæ primo.

Quomodo in confirmatione etiā foederum, usur-
parunt itidem titulum Angliæ, non est illud quidem
ignotum. Sed Orator Galliae, forsitan optaret atq;
requireret, ut hæc omnia perpetua traderentur obs-
inuiioni, quoniam hæc res, uiuente dum huius Regis
patre, sunt peractæ, & propterea optaret, ut cons-
sideratio huius rei, ab initio regni huius principis,
exordiretur. Certum est, si hi motus in obitu superis-
oris Principis, constitissent, tum quidem & præter-
itæ offensiones, facilius pacari, & nascentes etiam
iniuriæ, unâ cum Rege, funditus sepeliri potuissent.
Sed hic temporum flexus, nouaq; rerum conditio,
non facile permittere uidebatur, ut Reginae Scotiae
causa, & titulus, quem prætendebat, tum temporis
conquiesceret, cum eius coniunx, regno in Gallia iam
potiretur, cum illa ipsa facta esset Francorum

B.i.

Regina.

Regina: cum penes eius auunculos, summa, & pe-
ne sola, rerum omnium gubernatio esset. Quae singu-
lae opportunitates, sic eius potentiam & opes ad-
auxerunt, ut ad promouendum eorum propositum,
soluta omnia iam atque parata esse uiderentur.

Post obitum Regis, primo quoque tempore in Sco-
tiam nuntius allatus est, eorum Reginam, reginam
iam esse regnorū Franciæ, Scotiæ, Angliæ & His-
berniæ, nunc tempus illud aduenisse, in quo tempore,
omnia hæc consilia, in uulgius essent indicanda: Om-
nes res in Regine familia, Capella, Camera, atque
uestiario, ueteribus ablati insignibus, & additis
nouis Angliæ, exornatae sunt: Noua sigilla impris-
muntur, Commissiones nouae factae sunt: Noua edic-
ta promulgantur, & id quidem in rebus ualde uul-
garibus: Varia noua priuilegia, multis itidem ple-
beis hominibus, atque artificibus in Gallia, concessa
sunt. Et ad hunc scilicet modum, facies rerum in Gal-
lia, post obitum regis, sic immutata est, ut quid strus-
erent atque molirentur aduersus Angliam, palam
uniuerso terrarum orbi pateret.

Et cum in Oratoris Protestatione scriptum est, ni-
hil præteritum esse a suo Principe, quod uel ad sa-
tisfaciendum obligationi obsidum, pro restituendo
Caletō, uel ad tuendum mutuum inter suos utrinque
subditos commercium, spectare queat: permirū sane
uideri

uideri potest, Oratorem uelle hoc ipsum, uel scripto
uel sermone, tam asseueranter affirmare, cum per
se, ipse probe intelligat, ab usque secundo Aprilis
proximo superiori anno, cum pacis tractatio con
clusa iam fuerat, ad decimum quintum presentis A
prilis, quartum obsidem nunquam impetrari potui
sse, prout diserta foederis uerba constituunt atque
iubent. Atque hoc modo, a mense Maio, usque ad A
prilem, tres solummodo obsides sua Maiestas ob
tinere potuit, quanquā serio quidem agebatur de hac
ipsa re, cum ipso Gallorum Rege, cum suis Consa
liarijs, cum assiduo hic eius Oratore. Et agebatur
etiam, ut de re quæ ad diminutionē honoris suæ Ma
iestatis ualde spectaret, si nimirum tam apertus
foederis articulus uiolaretur. Vnde plane constat,
quanto iam tempore, ius huius confederationis, a
Gallorum Rege uiolatum fuit, cuius resarciendi cura
nulla dum suscipi uideatur. Et tamen in tam con
spicua foederis uiolatione, dicendum scilicet est, nihil
non præstitisse Gallorum Regem, quod ad sartum
tectum conseruandum articulum de tradendis obsi
dibus, possit pertinere.

Et perinde etiam probabile est, quod adfertur de
æquo communis commercij iure inuiolabiliter con
seruato, cum reuera multa iniuria, facta uarijs An
glis Mercatoribus, sine ullo remedio, in moras soe

in modo sumptuosas, hactenus sunt reiectæ. Et in
loco Iudicii, iustum est certo cuidam magnæ istic aua-
thoritatis uiro, iustum esse responsum, repudiare
decretum pro Anglo mercatore factum, hoc
solum nomine, quia scriptum illud, hoc titulo notas-
tum fuit, Pro homine Anglo. cum in ipsam caus-
sam nihil omnino inquisiisset.

Quam incredibili inhumanitate, Dominus Baro
Greijs istic acceptus est, & quibus etiam authori-
bus: uarijs nobilibus in Gallia, ualde compertum est,
cum uno facto, unoq; tempore, & illum Parisijs, pes-
riculum mortis, & suos in Anglia, tristis familiæ rua-
ina pene oppressisset.

Summa illa iniustitia exercita in puellū D. Cota-
tonis filium, in bello quidem liberum, in pace nunc
captiuum, uel eo nomine memorabilis est, quia tam
iusta scilicet ratio illius detinendi, allegata est, nimis
rum quia is qui hunc detinet, filium habet in Flan-
dria, captum apud D. Quintinum, ubi Regi Cas-
tholico Angli militarunt: Et propterea æquum scia-
licet esse, ut puellus Anglus detineatur in Gallia, do-
nec Gallus ad suos remittatur e Flandria. Quæ
res incredibilem arguit illorum maleuolentiam, in-
tentam in nationem Anglicam, quia Angli uires
suas cum Rege Catholico apud D. Quintinum cō-
iunxerunt. Hæc namque causa, quanquam priuati
hominis

hominis maxime propria sit, tamen quia eius aut nulla omnino aut levis admodum consideratio, habitata est, & quia ad eam causam sic responsum est, à quibusdam hominibus, summæ authoritatis atque loci, apud Gallorum Regem atque Reginam, aliquid ponderis in se habere, uideri debet.

Verum ut Orator Gallia, rem ipsam melius intelligat (qui omnia hæc, leuia ducenda esse iudicat) quod signum maleuolentiæ euidentius potest ostendi, quam uim offerre, assiduo istic Maiestatis suæ Oratori? Cuius domesticus famulus, e publica platea, iussu Auunculi Regina, qui Le grand Prieur nominatur, per uim abductus est. Is, cum rogaretur, ab Oratore suæ Maiestatis, ut suum sibi redderet famulum, respondebat, se, pro suo arbitratu, de ea re uelle statuere. Quod responsum, cum esset periniquum, cumque Orator intelligeret, famulum suum, in triresmes pro Remige, esse amandatum: res allata est ad Ducem Guisium, cuius responsum fuit admodum humanum, qui postulabat, ut Orator in meliorem partem acciperet responsum sui fratris, se enim curaturum, ut famulus eius, Marsilia reuocaretur.

In quo responso, Orator acquieuit. Sed cum expediisset certum nuntium, unum cum literis usque Marsiliam, longe quidem Parisijs distantem, reuersus est nuntius absq[ue] illo homine, absq[ue] ulla spe.

Atq; tandem orator, cum nihil proficeret querimonia, non frustra amplius in ea causa laborandum esse iudicauit, & famuli sui iacturam, siue caedem ut potuit, ferre cogebatur. Hac beneuolentiae demonstratio, sese extulit, intra decem dies, post obitum Regis.

Nuper etiam, in hoc proximo superiori mense Martio, quanta immanitate, intra suos etiam parietes, tractatus est, cum in eum aliquot sunt displosa tormenta? Quæ res, ex illorum, apud quos diuersatur, sermone melius quam Oratoris querela, intelligitur, qui pro remedio iustitiæ, silentij patientiæq; subsidio, uti satis antea edoctus fuerat. Auxilia etiam impertita à Gallis, Piratis Anglis, pugnant aperte cum Oratoris Protestatione. Contra uero, Sereniss. Reginae studium amputandi omnes offensionum occasiones, illustri modo apparet, ex eo, quod superiori mense Iunio, Classem suam, non sine grandi sumptu, emisertit in mare, tum quidem ualde infestum prædonum latrocinij, quibus ipsi Galli potissimum & Portugallenses, miserrime sunt uexati, cum hi ipsi prædones, & receptum, & subsidium in Gallia habebant, id quod plane constat ita esse, quia aliquot ex his Piratis, adhuc in Gallia uitam suam traducunt.

Privata ista causa omnes, silentio essent præter reunda

reunda, nisi Orator Galliae edocendus esset, longè
aliter actū esse cum sua Maieſt. & gente Anglica,
quàm ipse in sua speciosa Protestatione conatur ostē-
tare: cuius uerba concinnè quidem constructa sunt,
ad ipsius institutum, sed his rebus nixa fundatq;
potissimum, quæ cum ipsa non congruunt ueritate.
Ex rebus enim cū ante, tū post ipsius regis or-
bitum, ad hunc modum actis, is uerborum sensus, &
ea animorum uoluntas colligi non potest, quam oras-
tor tantoperè probare, persuadereq; laborat.

Pergit igitur ad alias causas, in quibus plus fir-
mamenti collocat, & ait Serenissimam Reginam
duos exercitus instruxisse, & alterum mari, alterū
terra misisse in Scotiam, quo tempore Gallorum
Rex, certos milites, ad reducendos Scotos ad in-
ſtam obedientiam, eò etiam traiecit. Id quod dicit
suam fecisse Maieſtatem, cōmotam zelotypia qua-
dam, quam concepit ex istis sic transmissis militibus,
à quibus unà cum alijs nouis copijs postea traieci-
endis, pertimescendum fuit, ne Angliæ regnum in-
uaderetur. Cuius rei, non leues suspitiones collectæ,
sed apertæ minæ ostensæ fuerant, cum Gallorum
iam Scotorumq; simul Regina, titulum Regni An-
gliæ, insigniaq; sumpsit sibi, atque arrogauit. Quod
hoc in loco proponitur, aliqua quidem ex parte uerū
est. Quid enim aliud suæ Maieſtati fuit faciendum?

Potuit

Potuitne sua Maiestas suisq; Consiliarijs, cum intel-
ligerent, quanta contentione laboratum est Romæ,
ut Regia Maiestas declararetur illegitima huius
Regni Regina, utq; Regina Scotiae, istius regni
iusta Regina comprobaretur? cum perspiciebant
quomodo Gallorū Rex, coniunxq; sua, sui iuris no-
mine, uarijs modis hoc regnum sibi uendicauerant?
titulum & insignia eius usurpauerant? ius suū prae-
tensum, etiam orbi diuulgauerant? cum iustis modis
postulatum est, ut ab istis Consilijs, factisq; desiste-
rent, illudq; facere noluerant: sed omnibus modis,
uires, classem, milites, munitionem, commeatum, uno
diq; procurauerant: Et Germania nouas copias, &
ad eas transportandas, naues euocauerant: Scriptis
Coronellos sollicitauerant, ut illi milites suos insti-
garent, expeditionem suscipere, uel in Scotiam, uel in
regionem Scotiae uicinam, omnium rerum abundan-
tia affluentem, & praedarum plenam, in qua nul-
lus miles Germanus, longo iam tempore fuerat.
Cum haec omnia, grauissima rerum momenta, suae
Maiestati, suisq; consiliarijs, probe essent explora-
ta: leuiter ponderanda fuerunt? An Regni Angliae
Maiestas à fido & forti Anglo populo, tam uili
aestimanda? An uniuersorum quies & singulorum
salus, tam ignauè prodenda? An illa, quae omni iure
humano, expressa Dei uoluntate, communi populi
consensu

consensu atque studio, iustissima Regina est, permit-
teret ut his, qui iniustissime hoc regnum sibi uendicā,
concedatur, ut eo, exercitum recte traducerent, unde
de maxima opportunitates, optata facultas, & fa-
cillima patet uia, ad inuadendum in hoc regnum, &
ita tandem ad perficiendum, quod in proposito, uo-
toq; potissimum habent? Minime permittet, nun-
quam sinet.

Recens illa foeda infidaq; Pacis utolatio, tem-
pore Edouardi sexti, temporibus turbulentis hic
domi, quando Gallorum Rex, contra suum bono-
rem, contra commune foedus, contra solenne iustus
randum, subitam, nec opinatam inuasionem in An-
glos fecit, & primum loca, quae Hambleton, atq;
Blacknesse nominantur, occupauit, & deinde Bo-
noniam assequutus est: nec dum ex Anglorum efflus-
serat memoria, nec in posterum (credo) unquam
excidet.

Iactura Caleti, in recenti adhuc mansit memos-
ria. Atq; ut breuiter concludatur hic locus: quae fi-
des adhibenda fuit his, qui armati, & id in Scotia,
Angliae regnum sibi uendicarunt?

His de causis, necessarium fuit, ut milites, terra,
marique in armis essent, quanq; terrestres copiae, su-
periore aestate, hyemeq; non collectae, sed sustentatae
eouq; sunt, donec maior aliqua prouocaret necessitas:

Classis uero; primum missa est Scotiam uersus, ad
comineatum transportandum Baruicnm, & si opus
requireret, operam suam darent, curarentq; ne mas-
tores copia in Scotiã, e Galliatra; cerentur. Quæ
classis, nulla prædatione, nullo hostili more, in Gals
los usa est, præterquam quod certas naues Gallicas
ab appellendo in Scotiam, inhibuerat: Quæ naues,
cum essent sic inhibita, nihilominus tamen libertati
sunt milites restituti, concessaq; illis est facultas, terra
marine, una cum suis bonis, domum redeundi.

Præterea, uidetur Orator in sua Protestatione
duas res adferre, & utrasque ut ipse præsefert, ma-
ioris alicuius momenti, Alteram nullas comparas-
tas esse copias à Gallis, nisi ad coercendam rebelli-
onem in Scotia, Alteram autem, quod Rex Gals-
lorum, quoties expedierat ullas copias in Scotiam,
hoc enim prius significasset suæ Maiestati, ut nullã
conciperet suspicionem de numero ac multitudine
militum, ideoque indicat ipse, solerter à Gallis, cõ-
siderateq; prospectum fuisse, ut sua Maiestas opus
non haberet, uel mari, uel terra, ullo armato milite,
Reuera, ex rebus consequentibus plane apparet, hoc
ipsum fuisse illorum propositũ, nihilq; illos maluisse,
quàm ut postea etiam, & minus parata, minusq;
potens esset, ad resistendum illorum institutis inuasio-
nibus. Sed Deo habenda gratia, hæc prouida
solertia

Solertia, non multum illis hactenus profecit.

Quod attinet ad rebellionem in Scotia, siue illa nulla omnino fuit, siue qualiscumq; fuit ille tumultus, non tanto apparatu uirium ut sedaretur, opus erat, aut si qui omnia obedientiae repagula istic perfregissent: tantae copiae tamen ab omnibus rebus sic instructae, & ex tot locis comparatae, ad eos comprimendos, non erant euocandae. Imo, quicquid turbarum accidere potuisset in illo Regno, tantus tamen magnorum tormentorum apparatus, non ad pacandam Scotiam ullum omnino usum, sed ad turbandam, inuadendamq; Angliam, multum habere momenti, uideri quidem potest.

Quis ergo iure, suae Maiestatis consilium queat reprehendere, si prudenter ab ea prospectis his Galorum propositis, fortiter sese illis opposuerit, & terra mariq; cum suum honorem, tum suorum salutem, omnibus modis defenderit?

Et quanquam ad Scotorum gentem proprie pertineat, suas calamitates modo quo possunt humillimo apud suam principem deplorare, & ostendere, quam alieni sunt ab omni inobedientia & rebellionem: tamen quia Orator Galliae obijcit suae Maiestati supplicatas latas Scotis, plene & fuse intelliget, quid sua Maiestas de toto hoc negotio, motuq; Scotico sensu, ut inde plane iudicet, suam Maiestatem ab omni

propugnatione pro rebellionē, maximē esse alienam.
Quam rem, sua Maieſtas ſic & natura abhorret,
& iudicio deteſtatur, ut in omni negotio rebellionis
ſubditorū contrā ſuum principem ſuſcepto, (ſi Prin-
ceps hoc admittat) parata ſit, non ſolum uoluntate,
ſed etiam uiribus, Principis cauſam tueri, atque de-
fendere.

Qui Scotis obiectant, exprobrantq; rebellionē,
rerum, aut præteritarum obliuione, aut præſentium
ignorantia ſic laborant, ut non uideant, Scotos po-
tius præclaram mereri laudem, qui longē contrariā
rationem, his temporibus ſunt ſecuti. Decimus
ſeptimus iam annus eſt, cū Iacobus quintus Sco-
torum Rex, ex hac uita emigravit, relinquens poſt
ſe hanc præſentem Scotia Reginam, uagientem
in cunis, & admodum paruulam, ſub cuius infantia,
Scoti omnes, hanc ipſam principem, domi inter eos
educatam, tam fortiter, conſtanter, cum ſummo uir-
tae & rerum ſuarum omnium diſcrimine, defende-
runt: ut par obedientiæ exemplum, in literarum
monumentis, raro quidem poſſit inueniri.

Obscurum enim non eſt, quomodo Dux de Chats
Stellerault, cui nunc rebellionem obijciunt, à Scotis
proximus habitus hæres, & ſupremus Gubernator
Regni, tredecim aut quatuordecim annos, guberna-
acula iſtic rerum ſic eſt moderatus, ut ſua princeps
tunc

tiū parūla, in magna quidem securitate conseruaretur. Quot uiri uitam profuderunt, in tuendo suo erga principem officio? Quot etiam qui nunc rebelles habentur, uno die, unoq; praelio, in quo multa milia hominum ceciderunt: & se, & sua omnia, in praesentissimum discrimen obiecerunt: orbi quidem cognitum & manifestum est. Constans permansit, & nunc etiam permanet haec illorum obedientia, & illius immutata, ne leuis quidem suspitio apud ullos homines, uel excogitata est, usque ad illud tempus, cum Regina nupsit Delphino in Gallia. Cum gubernatio regni & rerū immutata est in Scotia, cum Princeps absit à patria, cum Regio ipsa insolentia peregrinorum militum est miserrime uastata, leges euersae, sublata iudicia, libertates oppressae: Cum suprema Regni munera atque dignitates, in Gallorū manus sunt traditae: Cum Castra, arces, & munitiones in Gallorum potestate sunt redactae: Cum adulterata est purior omnis illius Regni pecunia, atque id, ad usum solummodo certorum priuatorum Gallorū in Scotia, qui fortuna egentes, natura tam sordidi atque auari sunt, ut ad pecuniarum extortitionem nati esse uideantur. Quae una res, ad uniuersū Regni calamitatem, & singulorum extremam miseriam atque inopiam, spectat atque tendit: Cum milites Galli, uiuentes diu sine ullo stipendio, rapta

cute

entes ubique absque omni legum metu, tandem obti-
nent e Gallia adulterinam pecuniam, publico edicto
uetitam, & illegitimam, & duobus annis ante in Gala-
lia, ad ualorem non quidem uiliorem, sed omnino nullum
reductam: quæ pecunia in Scotiam recepta, & nouo
coactioque extra modum ualore, per edictum ei impos-
sito, multas incommoditates secum in illud regnum im-
portauit: Cum amplissimæ Abbatia, & maxime digni-
tates Ecclesiæ, nobilibus Gallis atque generosis sunt
donatæ, præter multas alias infinitas, deploratasque
populi illius calamitates atque oppressiones factas,
contra fidem, contra pacta, contra promissa Gallo-
rum. Quæ uniuersa mala, hi ipsi Scoti, qui nunc res
bellionis nota, cum incredibili illorum dolore, ita sunt
inuisti, sic dum sustinuerunt, ut hactenus obedientiam
Principi suæ non denegauerint, sed omnibus hu-
millimis modis, uariisque temporibus conquesti fue-
runt de his miserijs, apud D. Regentem, Reginae
matrem, postulauerintque ut his malis remedium ad-
hiberetur. Quibus, non responsio reddita, sed uis
oblata illataque fuit. At uero cum hæc mala indies
magis ac magis accreuerunt, cum diligenter consi-
derassent Reginam suam nuptam esse in Gallia, nul-
lam habere sobolem, absentem esse a patria, esse mor-
talem, ut communis fert humanitas, regnum Scotiæ
esse in uera potestate manuque Gallorum, de cuius in-
iusta

iusta & insolenti gubernandi ratione, nimis erant
certi, incerti omnino quid fieret Regno Scotia, si
quid humanitus Regina eorum accideret, ipsa rerū
temporumq; necessitate sunt compulsi, sese colligere,
qui erant ex omni nobilitate, statuq; illius Regni pri
marij uiri, ut prouiderent, quomodo se ac suos, con
tra Gallorum milites, statu Regni interturbantes,
defenderent.

Interim tamen non destiterunt humillime sup
plicare uiduae Reginae Scotiae, ut misericordiam cap
peret afflictissimae iam conditionis Regni suae filiae,
ut benigne acciperet eorum obedientiam, ut remoues
ret ex eo Regno externum militem: ut pateretur reo
gnum Scotiae ab aliorum, & inuasionis metu, &
subactionis periculo, liberum esse: denique, ut permit
teret idem Scotiae regnum, in pristino suo statu auis
taq; libertate, quomodo longa iam seculorum serie
durauerat, his etiam temporibus permanere.

Quamq; haec omnia sunt uerissima, tamen nunc
concedendum est, atque id, quia Galli hoc postulant,
ut maiores militum copiae indies in Scotiam trajecto
antur, ut Regina Angliae acquiescat speciosis uerbis,
omninoq; credat, omnem hunc belli apparatus, ad
rebellionem quandam in Scotia coërcendam, esse ins
titutum: ut sit relligio, fidem Gallis ulla in re abro
gare: ut, licet Galli sedulo laborauerint, ut eorum
proa

propositum Romæ comprobetur: licet multis alijs
modis, aperte, hoc Regnum sibi uendicauerint, lis
cet scribant, in scriptisq; diuulgent, illud ad se per
tinere: licet in ore omnium ferè gentium tactentur
eos inuasuros in hoc Regnum, & in discrimen etiam
aliquod perducturos, nisi maturè provideatur. Imò
licet multi huius regni amici, crebrò admonuerint
& ipsam Serenissimam Reginam, & uarios
ex suis subditis de his Gallorum consilijs, & inter
alios, quidam etiam è Gallia, magnæ experientie uir
ri, qui iniustum hinc suorum Principum inceptum,
probare non possunt, sed pacem atque concordiam
potius expetunt, ueriti quidem non sunt, prout facul
tas tulit, admonere nobiles uiros huius Regni, ut cō
tra hos conatus, maturum remedium procurarent.
Denique licet tanta fuerit bellici apparatus magni
tudo, eaq; conditio, ut non ad leuem rebellionis tu
multum, in Scotia pacandum, sed ad alios maiores
rerum motus ciendos, institui uideretur, nihilominus
tamen, propter unum & alterum sermonem habi
tum à D. Noallés, illorum Oratore apud Sere
nissimam Reginam, uarijs temporibus, cum Gal
lorū copie præteruectæ iam & transportatæ erāt,
qui asserbat semper, nihil inde mali ac detrimē
ti Angliæ euenturum, quanquam satis cognitum fuit
illius sermonem, cum militum numero nunquam cōs

gruere, cum sua Maieſtate, quaſi expoſtulandum eſt, illam opus nunquam habuiſſe, quicquam dubitare, de ſincero Gallorum Regis erga eam animo atq; propoſito.

Hoc genus argumenti parum ponderis in ſe habet, nec longo eget reſponſo. Gallorum Rex, eiusq; coniūx, apertis factis, & omni quo poſſunt modo, demonſtrabunt orbi, ſe Regnum Angliæ ſibi uenâ dicare, & illius Oratoris nuda uerba perſuadere debent, nihil tale quicquam ab eis uel cogitatum eſſe. Hoc Regnum petendum eſt à Principe, re ipſa atq; factis, & credendum eſt miniſtro in ſermone, atque dictis. Si locus eſſet reliquus maiori ſuſpiti-
oni, de eorum propoſito, hæc ipſa tam ſpectioſa ad-
monitio Oratoris ad eundem, nouum etiam ſuſpiti-
onis cumulum adijceret. Agebatur ſepenumero cum
ipſo Oratore, de his iniurijs factis à Rege Gallo-
rum, eiusq; coniuge, ſed nullum commodum reſpon-
ſum unquam obtineri potuerat: ſed nouæ indies iniu-
riæ, ac maiora ſemper pericula, magis magisque
ſtruebantur.

Vbi præſert Orator Gallia, laudabilem eſſe
Regis Gallorum uoluntatem, ſtadiumq; quietis, qui
uitres ſuas in Gallia ſuſtinuit, ut omnis uitaretur ſuſ-
picio, rei ipſius ueritas optime animaduertetur, ſi
probe conſideratum fuerit, quis modus adhibitus

D. i.

eſt

est in sustinendo copias, & classē Marchionis Dalbeuf: qui cum dimidiatum iam cursum suū confecerat non reuocatus, sustentisue Regis Gallorum iussu, sed aperte contra illius uoluntatem, tempestatiū impetu iactatus, domum se recepit. In quo tempore, aliqua nauium militumq; facta est iactura, & magna munitio uis, in Galliam est reuecta. Vtrum, quod Classis denuo est sustenta, & utrum secundus ille Marchionis discessus a Depa, ex regis Gallorum uoluntate, studioq; quietis, an ex eo, quod naues suae Maiestatis, in Frith Scotico freto, eo ipso tempore starent, contigerit, Galli ipsi optime norunt.

Et cum pergit Orator, declarando Principem suum, cum animaduertisset suam Maiestatem non leuem concepisse suspicionē de tantis copiis in Scotiam traiectis, requisuisse & postulasse a sua Maiestate, ut studium suum atq; operam interponeret, ad pacandum hos motus in Scotia, quo confecto, illum facile ablaturum esse omnem eius de istis tantis copiis conceptam suspicionem, cum is ipse, tum eas de in Scotia diminuere, & magna ex parte in Galliam reuocare, in animo haberet.

Hoc ipsum postulatum, sua Maiestas saepe iam ante apud Gallorum Regem urgebat, partim per Gallicum hic Oratorem, partim, per Oratorem suum

um in Gallia : In qua re, non redditum ullum res-
ponsum, sed tempus sic frustra semper consumptū
est, ut inde graves impensas sustinere, in alendo tā-
to spatio tot milites, sua Maiestas coacta fuerit, ex-
spectando ē Gallia responsum. Orator ipse haud
ignorat, quomodo in initio proximi mensis Februa-
rij, seriō agebatur cum D. Noaillēs de hoc ipso
negotio, & postulatum ab eo est, ut certiore facer-
et suum Regem, Maiestatem suam non posse diu-
tius ferre, tot ei factas iniurias, nec posse quidem ex
animo suo deponere iustas illas suspiciones, quas de
tanto illo apparatu belli in Scotia, conceperat. Et
propterea nomine suae Maiestatis oblatum fuit, si
idem probaret Gallorum Rex, suam Maiestatem
operam suam interposituram, ad pacatē constituen-
dum hoc negotiumoticum. Et si quis denegaret
suam obedientiam, se opem ac opes suas, ad eundem
coercendum, libenter allaturam : Atque hoc modo
copias illas facile posse amoueri. Sin uerō ullae aliae
controuersiae essent inter suas Maiestates, has posse
tractari commodē, componiq; per certos utrinque
Commissarios. Cum haec essent proposita Oratori,
uifus est non accipere illam partem oblatis suae Ma-
iestatis, ut ipsa sese interponeret, ad compescendos
bos in Scotia motus. Aiebat enim ducem de Chastela-
lerault, & alios quoque supplicauisse Gallorū Regi,

ut uenia illis condonaretur: & propterea se esse in
hac sententia, eam rem, hac uia ad exitum perduci
etum iri, at (inquit) nihilominus, Principem meum
de hac re faciam certiore, & apparet quidem, eum
ita fecisse. Nam statim post hunc sermonem, expe-
ditus huc est, Monsieur de Ceure, assiduus hoc tem-
pore, hic Gallorum Orator, fide illi & authorita-
te commissa, (ut ipse quidem ostendebat) audiendi
omnes suae Maiestati factas iniurias, ut ei in singu-
lis satisfaceret. Quid praestitit, ipse potest optime
explicare. Et quia ab eo praeteritus est huius loci
certus ordo, & aliam rationem sequitur: non inco-
modum erit hoc negotium, plene explanare. In pri-
mo, suo sermone habito, cum Serenissima Regina,
& suis Consiliariis, auditis quærelis, uisus est ualde
paratus esse, atque propositus, ad nauaudam o-
peram suam, ut remediū omnibus malis, primo quo-
que tempore adhiberetur, aiebatq; se de hac re scri-
pturum ad suum principem, & prae se tulit sibi esse
dolori, se hic prius non affuisse: quasi in his negotiis,
longe plus boni praestitisset, quam antea praestitum
fuerat. Paucis interiectis diebus, literas accepit
e Gallia: quarum occasione, in nouum sermonem in-
gressus est, cum suae Maiestatis consilio: & tum uo-
muer sum negotium, distributum fuit in tria potissi-
mum capita: Nimirum, de arrogatis insignibus, de
usura

usurpato titulo, de reuocādo milite ē Scotia. Intercol
loquendū, multū temporis consumebatur. Quares,
Consiliarios multū offendeat, & Oratoris cōsilia
magis suspecta reddebat, tandē tamen Orator ipse
sermone suo uisus est ualde propendere ad concordia
meundā. De insignibus (inquit) licet Regina Gale
lorū, causam, & eā etiā aliq̃ habeat, cur illa gestet
cū aliqua differētia nota, ut propinquitas sanguinis,
qua cū Regina Angliā coniūcta est ostēdatur: tamē
Princeps suus facile persuaderetur, ut tantū in hac re
concedat, quantū ratio postulare, si inde sua Maies
tas aliquā offensionis suspitionē concipiat. De titulo
uero, asseuerāter adfirmabat, Regē Gallorū nunq̃
quā eo usum fuisse. Quod aut Regina uteretur, Re
gē uelle curare, ut ab eius usurpatioe omnino desister
ret. Sin uero, ad eā rem adduci nollet (quoniā eā cō
pellere ut relinqueret, non potuit) illū potius eam in
Scotiā ad suū Regnū amandaturū, quā ulla discors
dia, ea de re, inter Galliā & Angliā exoriretur. Cuius
sermo, cū & ualde serius, & per mirus etiā uis
derteur, nō nihil cōmouebat cōsiliarios, ut ei ī hac cau
sa maiore fidē adhiberent. De copijs uero in Scotia,
suū principē scripsisse, ut oēs amouerētur, exceptis 5.
signis, sperare tamen, se posse persuadere suo principsi,
ut 4. tantū istic relinquantur. Post hunc sermonē,
et post certa alia cōsilia ab utraq̃ pte proposita, cōs

consensu, constitutum fuit, ut hæ res, ab utraq; parte
in scriptū & articulos referrentur: Quod factū est
à Serenissima Regina, neq; id per modū leges præ
scribendi & statuendi, quo modo Orator in sua Pro
testatione ait. Et quanquam Orator pro sua par
te non scripsit, uti promiserat, impeditus negotijs,
(ut ipse aiebat) tamen prædicti Articuli, illi ostens
debantur, & eos perlegebat, quorum summa hæ
res continebat. Primum, ut gestatio insignium om
nino cessaret: dein, ut titulus deleteretur: Postremo,
ut obedientia à Scotis agnita, præstitaq; eorū Prin
cipi, copię militum Gallorum è Scotia reuocarētur:
atque id intra uicesimum Martij, & secundum Ap
rilis, & eo etiam modo atque proportionē, ut mi
lites Angli, eodem tempore, itidem domum reuoca
rentur. Gallis uerò militibus sic reuocatis, liber
commeatus, & fides publica daretur, ut uel mari
utentes commoditate Anglicarum nauium, uel ter
ra, pro suo arbitratu, ad suos in Galliam se recipe
rent. In his rebus celeritas postulabatur, quia à mē
se Ianuario, terrestres copię fuerant iam collectæ.
Et ualde expetebat sua Maiestas, ut hæc concor
dia terminaretur cum celeritate, antequam oportu
niora Anni tempora elaberentur, ut & commodius
suos dimitteret exercitus, & facilius euitaret pericu
lum, noui alicuius in Gallia bellici apparatus.

Inceptū

Inceptum est hoc colloquium secundo Martij, & quæ sitis dilationibus per Oratorē Gallia, decimus dies fuit, antequam transmissæ fuerunt literæ. Nunc momentum rerum harum omnium, positum fuit in responso his litteris reddendo. Et ex hac una ipsa re planissimè constat, utra pars ad ineundam concordiam, propensior fuit. Cum articuli exhibiti sunt in Gallia, statim causæ quærebantur ad culpandum Oratorem hic in Anglia, illum nimirum esse transgressum fines suæ commissionis. Et propterea, Episcopum Valentinum huic causæ responsurum. Is huc accessit paulo post. Sed hic Episcopus, qui hac uia in Scotiam transire in animo habuit, ad obscuranda certa negotia, quæ ei mandata sunt, planè adfirmabat, se nullam habere Commissionem respondendi ad hos articulos, nec ullo modo attigit ullam rem, quæ spectaret ad satisfaciendum suæ Maiestati, pro tot ei factis iniurijs. Sed contrà, asseuerabat gestationem Insignium Angliæ, per Gallorū Reginam, in optimam partem potius à sua Maiestate accipi debuisse, uti rem ad honorem domus Anglicæ omnino institutam, affirmans etiam neminem esse in Gallia, qui crederet hanc rem ullo modo offensæ esse suæ Maiestati potuisse. Ex hoc simulato, subornatoq; sermone, quis colligere poterat sinceram ullam, honestamue cogitationem in
hoc

hoc Episcopo fuisse, qui per se satis intellexit, quā
absurdum sit dictu, eam quæ tantoperè contendit,
ut declararetur Angliæ Regina, quæ appellat se
ipsam Angliæ Reginam, cogitavisse unquam, ut
per gestationem insignium Angliæ, aut honorem aut
rem gratam facere Regiæ Angliæ uideretur?
In solenni illa celebriq; Gallorum Regiæ, superi-
ori mense Nouëbris, ingressione in Chastelerault,
nihil tali colligi poterat, ubi Insignia Franciæ, An-
gliæ, & Scotiæ erecta fuerunt, cum inscriptione
itidem tituli Regiæ, atque aureis literis, sub ima-
ginibus Regis atq; Regiæ, in utraq; oppidi por-
ta, hæc carmina inscripta fuerunt.

Gallia perpetuis pugnaq; Britannia bellis
Olim odio inter se dimicuerè pari.
Nunc Gallos, totoq; remotos orbe Britannos,
Vnum dos Mariæ, cogit in Imperium.

Responsū interim indies expectabatur, à Mar-
tij duodecimo, usque ad uicesimum, sed frustra quis-
dem. Quod factum, tulit etiam Serenissima Regis-
na, & in literarum expectatione acquieuit, tandem
Episcopus aiebat moris esse Aulæ Gallicæ, cum
Oratorem ad aliquem Principem legant, responsum
quidē non dare, ad ullas causas ab eo Principe pro-
positas, antequam literas à suo Oratore accipiant.

Ista

Ista excusatio accepta quoque est, quoniā spes erat,
postquam ille in Galliam scriberet (quod aiebat se
facturum) responsum statim in Angliā aliquod mit-
tendum fore. Atque ut præclara illa uoluntas, stu-
diumq; perueniendi ad maturum aliquem concordie
exitum, de quo tam crebram mentionem facit Ora-
tor, planè refutetur: à duodecimo Martij, ad ul-
timum eiusdem Mensis, nullum omnino responsum,
ad hos articulos obtineri poterat. Imò ab ultimo
Martij, ad hunc usque diem, nullum certum respons-
sum, uel hic, uel in Gallia poterat haberi. Et hunc
morem, communi consensione obtinent: & obseruant
omnes isti Gallici ministri, qui uersati sunt in tra-
ctandis his negotijs: uerbis nonnunquam obtulerunt
se se paratos, ad concordiam ineundam, sed semper
apertis factis, persecuti sunt omnes priores iniurias,
& auxerunt etiam easdem, intra hos paucos dies:
nec cessarunt, omnia ad bellum undique comparare.
Ad tractandum de concordia serionunquam, simulo-
late sæpè accesserunt, ad summa denique momenta
rerum, certè directèque nunquam responderunt, licet
multis modis, uarijsq; temporibus, ut hoc facerent,
postulatum fuit. Ad hunc modum tractatum est hoc
negotium, solummodo ut potirentur oportunitate res
rum gerendarum: ut augerent magnitudinem im-
pensarum suæ Maiestatis, ut ab omni apparatu ad

E.i. bellum

bellum, essent instructiores, & obtinerent ab inuitis-
simo Rege Catholico, quod tanto opere expetunt.
Qui, absque dubio, quāta cunque importunitate, atq;
solicitatione Galli elaborauerunt, ut causam suam
pro bent, & persuadeant: tamen auita illa & mu-
tua inter utrarumq; Maiestatum suarum, maiores
amicitia, singularis eius æquitas, eximia integritas,
& summa prudentia, quas tres res, in omni quam
suscipit actione, semper adhibet, sic nos securos red-
dunt, ut cum plenè intellexerit, quid tentarunt Galli
contra hoc Regnum Angliæ, iudicaturus sit de illis;
quomodo omnes eius antegressi maiores, iustissimis
de causis semper iudicauerunt. Neque dubitat
sua Maiestas, quin clarissimus dominus de Glasia-
on, & Reuerendus pater Episcopus Aquilanus,
qui plenè adiuerunt omnia hac negotia, sic eadē sint
explicaturi, ut ab eis inuictissimus Rex Catholi-
cus, suæ Maiestatis charissimus frater, sit fusè ac-
cepturus, nihil à sua Maiestate in omnibus istis ne-
gotijs factum esse, quod non ad defendendum suum
honorem, ad propugnandum pro suorum salute so-
lummodo pertineat. Patet igitur nunc cuius ho-
mini, communi sensu, rationeq; imbuto, suam Ma-
iestatem, & accepisse iniuriam, & quæsiuisse reme-
dium: cum Galli contra, & iniuriarū authores, &
foederum, pacisq; uiolatores existant, qui factis
conz

concordiam abhorrent, uerbis de ea mentionem solummodo faciunt.

Propterea, sua Maiestas commota scripto Oratoris Galliae, curauit, ut declaratio harum rerum, multò fusiùs tractetur, quam ipsa alias facere uoluerat: Et summatim sic concludit, quod licet onerare iure possit Gallorum Regem, & transgressionem foederis, & uiolationem Pacis, tamen tenetur illa maiori desiderio finiendi, quam offerendi ullas iniurias. Ideoq; offert, si reuocatio utrinque militum, indicabitur communi consensu, posse aliquid facere ad constituendum hos motus, pro sua parte, in id se uelle consentire, & id praestare, in animo omnino habet. Sin autem uisum fuerit Gallorum Regi, nominare certos ullos Commissarios, nominabit sua Maiestas itidem pro se, æquos & æquales: curabitq; diligenter, ut primo quoque tempore conueniant, faciantq; cum in aliquem idoneum locum conuenerint (si hoc facere utrinque uisum fuerit) ut abstinentia ab omni prorsus hostili more sanciat, modo spes sit ex hac communicatione, ad concordiam firmandam alendamq; aliquid boni posse proficisci. In qua translatione, sua Maiestas non cogitat in ullam disquisitionem, disputationemue committere usum suorum insignium atque tituli, in animo habens, tueri atque reseruare suum honorem, Ius atque titulum, ad Ma
E. i. iestatem

testatem huius sui Regni, extrā omnē disputationē.
Et contenta erit, referre modum cessandi ab insignis
um gestatione, & tituli usurpatione per Gallos, &
satisfactionem etiam factarum Iniuriarū, ad cha-
rissimum fratrem suum, Regem Catholicum, (si ita
etiam visum fuerit Gallorum Regi) sin aliter, ad de-
cisionem æquorum æqualiumq; Commissariorum.

Postremò Maiestas sua protestatur, se nunquam
hac mente fuisse, uel fauere, uel scire ullos in Sco-
tia, qui obedientiam suam, Gallorum Reginae denegarent: sed ex imis precordijs, à Deo Optimo max-
imo præcatur, omnibusq; optat uotis, talem cõcor-
diam inter Scotorum Reginam, & illud Regnum
posse intercedere, ut potiri possint illa, debita sibi
obedientia, Gens ipsa iusto suo iure, & denique, ut
optata, dulcis, perpetuaq; pax, inter suas Maiestas-
tes, eorumq; imperia omnia, alatur atque floreat.

Hæ cogitationes, tam fixas aliasq; radices egerūt
in corde suæ Maiestatis, ut in uerbo Christianæ
Principis, in conspectu summi Dei protestetur, se
nunquam cogitauisse, neque nunc cogitare, ullū bel-
lum sua sponte uel Gallia, uel ulli christiani nominis
nationi, aut per se inferre, aut ab alijs illatum fove-
re: Non habet in animo ullas confederationum
conditiones violare. Non omittet quicquam, (modo
id cum suo honore, suo iure, suorumq; salute, atq; se-
curitate

curitate stare potest) quod ad pacem, cum Gallorū
Rege, & omnibus alijs etiam Principibus, firmam
perpetuamq; stabiliendam possit pertinere. Sin hoc
Maiestatis suæ propositum, optatum ab illa, exitum
habere non poterit, sed propter Iniurias intollerabi-
les, oblatas huic Regno per Gallos, propter aperi-
tam confederationis uiolationem, & denique pro-
pter recusationem eorum, ut remedium ullum, his
sanandis malis procurretur, bellum deinceps exorias-
tur. quod ut auertat Deus, sua Maiestas precatur:
tū quidem eo modo, sua protestatur Maiestas,
(quod contestatum esse uult uniuerso orbi) uiolatis-
onem foederum & causas omnes belli, à
Gallis omnino proficisci: & suæ
Maiestati, nihil magis moles-
tum, nihil magis odiosum
ipso bello, posse
accidere.

Londini

*apud Reginaldum Vuolfum,
Regiæ Maiest. in
Latinis typos
graphum.*

Cum priuilegio Regiæ Maiestatis.

2

Ἡ ἀγάπη οὐ ζητεῖ τὰ ἑαυτῆς

Patiens est, non inuidet, omnia suffert.

Charitas non quaerit quae sua sunt,



μακροθυμεῖ, οὐ ζητοῖ, πάντα σέβει.

